

Reduccion di tarifa parkeermeter

ORANJESTAD – Den e conferencia di prensa unda prome minister Mike Eman a reacciona riba e retiro di Otmar Oduber, e tamba ta anuncia cu lo reduci e tarifa di parkeermeter entrante 7 november.



Sr. Eman ta splica cu su gabinete tabatin e plan caba pa algun ahustacion pero no por haci anteriormente pa motibo di conflict di interes. Segun e prome minister e asunto di parkeermeter ta algo cu e cu Otmar Oduber no tabata pensa riba e mesun liña. Awor cu el a sali for di gabinete, nan por haci e cambionan. Entrante di dialuna awor lo introduci cambionan den parkeermeters en cuanto ta reduccion di pago riba cierto oranan y fechanan special.

Ta conoci cu desde momento cu go-

bierno a introduci e parkeermeter den Playa, e comerciantenan ta keha cu nan entradanan a baha considerablemente. Otro paisnan manera Hulanda ya a cuminsa experimenta cu parking por nada pa motibo cu e centronan comercial no ta bay bon. Un di e motibonan ta cu mas hende ta cumpra productonan online, evitando asina tambe e pago di parkeer. Asina hopi centronan comercial ta keda bashi y asina ta purba di atrae e publico bek atrobe cu e parking gratis. □